

Цаалгъвр эклдж кегдджанә

Эврәннь республикин ах йоснд сунъгъвр кех белдлгънд „Бурсельводстрой“ конторин партийн, профсоюзн болн комсомольск организац оньган икәр Ӕгч, әмтн дунд кех цаалгъврин кӕдлмшиг декц эклджанә. Агитатормуд Фаина Упорова, Евгения Дидюхова болн Антонина Коротенко элн, балгъсна агитатормудин совещаньд орад, эн кӕндтә болн чинртә тӕр кӕцәлгънә эв-аргълань болн цаалгъврин кӕдлмш сәәнәр кедг улсин дамшлтлань таньлдв.

Ода болхла мана агитатормуд эврәннь участкарн—Побе-

да болн Новая гидг нертә уульнцсар йовдж, цуг сунъгъачнрин то-диг кеджәнә. Хальмг АССР-н Деед Советт сунъгъвр болх Указла сунъгъачнриг таньлдуджана. Эн участкд, мана агитатормуд урдк сунъгъврмуд болхд кӕдллә. Тиигхд, сәәнәр кӕдлсн агитатормудиг цуг сунъгъачнр йир таасдж ода тосджацхана.

Сунъгъврт кегдджәх белдврт мана агитатормуд ӕнн седкларн кӕдлдж, сунъгъачнр дунд цаалгъврин кӕдлмшиг ӕргәр делгрӕлдж, иим чинртә болн кӕндтә тӕр кӕцәлгънд сән аибәрхнъ лавта. С. БОГЗЫКОВ.